

# ШАРКАН КОММУНА

Дуына 5 коны

Редакциял адресыз: Шаркан село, Советской урам, райзолэн коркаез

6-ти арзэ потэ

## ТУЭ КИЗЕМ ЮЭЗ АЛИ ИК УРОНО

Ю-няньлэсь удалтонзэ жутон понна, кизем юэз утылтыса, чылкыт возёно лыктэ. Кизем юэ жаг турын потэ ке, со юлэсь удалтонзэ кулэстэ. Котыкыче будос муз'емысь аслыз будны сион басытэ, муз'емез чаль уродмытэ. Жаг турын вредительёслы рассадник луэ. Солэн куарез борды пёртэм вредительёслы пузаны лякыт. Соин ик, бусыын вредительёс медаз луэ шуиськомы бере, кизем ю нянез чылкыт тазатыса возёно луэ.

Жаг турын'ёслы жуткыны туэ арын зор вань, кылем арын сямен буйгаткыса улны уг луы. Кылем аре уно колхоз'ёсын пичи но урискыны өз ветлэ. „Жаг турын өвөл“ шуса, буйгаткыса улызы.

Кизем юэз урон сярись туэ аре но райзолэн агроном'ёсыз куаретытэк уло. Урискон сярись номыр указаниос сётэмын өвөл.

Туэ аре уно сортовой кидыс кизимы. Нош соослэсь умойлыксэс выль Зечлыко карон понна, сое умой уроно лыктэ. Урытэк кельтид ке, выль Зечлыко кизем ю но уродлы кылэз. Правительстволэн тупатэмез'я кидыс участок'ёс, унопол уремын луны кулэ.

Сортовой кизем кидыс участок'ёс, мызон урол кидысэн сураскемын ке, сое одно ик быдтоно. Кизем ю пöлысь, мызон сортэз ше-

пам бераз, вуыкуз, туж тодмо луэ. Со дыре сыче урод тысёзэ (мызон сорт) одно ик вандылыса, ишкыса быдтоно. Туж ке уно, агрономлы возматано но сортовой кидыслы ярано-а, өвөл-а, агроном вералоз. Со сярись райзо вань колхоз'ёслы указание сётсал ке, туж умой лусал.

Урискон уж али ик организовать каремын луны кулэ. Зег уд чаль дырен шепаны кутскоз ни. Нош уремез одйг гектар но өвөл. Райзо уро-а уг-а, сое уг юа. Кизён гинэ мед быдэсмоз шуэ лэся. Ю-няньлэсь удалтэмзэ кизьса гинэ возманы уг луы, удалтонзэ жутны кизем ю бордын ужам кулэ.

Урискон асэрказ уз мыны, сое организовать кароно, соин кивалтоно. Колхоз'ёсысь уже кутымтэ кужым, ваньмыз урисконэз кутэмын луны кулэ. Вазь кизем етйнлэн, чабейлэн, йыдылэн али урон дырзы. Соин ик, каждой нуналэз ужаса ортытоно. Бер урем юлэн пайдаез ичигем луэ ни. Вазь урымтэ ке, кизем ю лябыт будэ. Вазь уремез со юнма, выжыяз пуш'ет сётэ.

Туэ аре кизем ю, одйг гектарез но, урытэк медаз кылы. Урисконэз одйг рад гинэ ум ортытэ, жаг турын потны кутскыз ке, нош уроно. Кизем ю пöлын жаг турын медаз луы.

## ШУМПОТИСЬКО

3-ий июне газет басытэм берам, али ортчэм тиражысь заёмме эскери но, 200 манет'ем облигации 1000 манет утэм. Со сяна, серияз тупамезлы 150 манет сётйзы. Вочаксэ 1150 манет басытй. Та утэмелы туж шумпотысько.

Соин ик, мынам одйг

кыл вераме потэ. Куд-ог заём возисьёс, мар карод заёмен шуса гупыльты. Мон сямен заём туж бадзым юрттэт сётэ. Соин ик, заёмез умой эскерыса возёно. Дырыз ке вуиз, тй но утэк уд кыле.

ВАХРУШЕВ К. Н.

## „Гырон быдтон“ праздникез умой дасяськыса пумитано

„Гырон быдтон“ праздник азелы дасяськон уж чиданы луонтэм урод мынэ. Праздник азелы кыче уж'ёсты быдэстыны кулэ вал, со быдэстэмын өвөл. Чошаткыса ужась колхоз'ёс но сельсовет'ёс гожтэм договорзэс уг эскеро. „Гырон быдтон“ праздник азе тулыс кизёнын ужамез йылпум'яно вал. Озыы ик, урисконэз но пар гыронэз быдэстоно вал.

„Гырон быдтон“ праздникез ортытон сярись колхоз'ёсын план лэсьтэмын өвөл. Кылем арын культурной отды интые, юса ортытйзы. Туэ аре сыче уж'ёс медаз луы ни. „Гырон быдтон“ праздникез удмурт искусстволэсь азылань будэмзэ возматонлы мед пöрмоз.

„Гырон быдтон“ праздниклы ляб дасяськеменымы ВКП(б)-лэн Обкомез азыло кутэм решенизэ воштыса, 18—19—20 июне ортытоно шуса пуктиз. Тани та нуналлы вань али ортысь уж'ёсты быдэстыса пумитано. Куинь нунал чоже культурно чылэтскон мед луоз. Соин ик, вань колхоз'ёслы праздник ортытыны план лэсьтоно. Та нуналлы физкультурник'ёслы умой дасяськоно. Каждной нуналэ мызон-мызон шудон'ёс дасяно.

### Палисадн ик лэсьтылэмын

Шаркан сельсоветын „Идеал“ колхозын каждой корка вадьсы палисадник лэсьтылэмын. Али ульча кузя тротуар лэсьтыны малпало.

Н. Ф.

